

affaire de telle importance. Cependant il y eust vn vieillard nommé *Tendoutfahoriné*, qui ne se peut tenir de parler, & de dire tout haut, que cela estoit bien mieux d'estre ainsi baptisé, qu'en estat de maladie, qui nous oste souuent le iugement & l'esprit; & exhorta toute l'affemblée à imiter, *Tjouendaentaha*, & se faire baptiser comme luy au plustost. Du reste nous eufmes assez de filence: vn peu d'apareil extraordinaire y faisoit beaucoup. Simon Baron fut son parrain, & le nomma Pierre. Nous esperôs qu'il fera comme la pierre fondamētale du Christianisme en ce pays, que Dieu se seruira de luy pour la conuersion de plusieurs, & que ce S. Apostre, dont il porte le nom, prendra ces peuples en sa protection, & leur ouurira la porte du ciel. Apres son Baptesme le P. Superieur dist la Messe, qu'il entendit avec assez de deuotion pour vn Säuuage, de temps en temps ie luy disois quelque petit mot, tantost ie luy faisois faire vn acte de foy, tantost [246] demander à Dieu pardon de ses pechez, tantost ie luy disois qu'il s'entretint interieurement sur les grandes obligations que nous auions à nostre Seigneur, à la fin de la Messe il comunia avec beaucoup de modestie, & le P. Superieur luy aida par apres à faire son action de graces, vne heure ou deux apres nous fimes vn festin à tous ceux de nostre bourgade pour nous conioüir par ensemble de la grace que Dieu venoit de faire à nostre Chretien, on scait assez que tous les festins ordinaires consistent en deux ou trois poissons boucanez, & cuits dans le blé du país; il se tint plusieurs bons discours touchant le baptesme & nos saints mysteres, nous laiffasmes nostre Chapelle en mesme estat tout le long du iour: ce qui donna aux Sauuages dequoy ad-